

欽定四庫全書

子部
證類本草卷九



欽定四庫全書

論類本字九

日部中品之下

練七十八

十四種

神農本草經

注名

醫方

十種

唐本附注

醫方

和

水

唐慎微撰

醫方

有

欽定四庫全書

證類本草

效注云今附

四種新補

二種新定

一種新分條

一十種陳藏器餘

凡墨蓋子已下並唐慎微續證類

艾葉

實續注

惡實

牛蒡葉續注

水萍

王瓜

地榆

大小薊

海藻

石帆水松石髮瓦松續注

澤蘭

昆布紫菜續注

防己木防己續注

天麻附今

阿魏附唐

高良薑

百部根

懷香子亦名茴香唐附

款冬花

紅藍花紅花也今附

牡丹

京三稜今附雞爪三稜等附

薑黃唐附藥附蓮

華撥根續注今附

茺蔚音虵唐附

蘿摩子附唐

青黛附今

鬱金附唐

盧會附今

馬先蒿

延胡索附今

肉豆蔻附今

補骨脂附今

零陵香附今

縮沙蜜附今

蓬莪茂旬律切 今附

積雪草連錢 附

白前

薺芘

白藥附唐

荭草

莎草根即香附子 也水香 附

華澄茄附今

胡黃連附今

船底苔補新

紅豆蔻附今

蔣蘿附今

艾納香附今

甘松香附今

垣衣地衣 續注

陟釐音 离

鳧葵菴菜也 唐附

女苑

王孫

上馬駿新定

蜀羊泉

菟葵附唐

解草唐附

鯉腸蓮子草也唐附

爵牀今名香蘇

井中苔萍藍附

茅香花白茅香花續注今附

馬蘭新補山蘭附

使君子今附

乾苔新補

百脈根唐附

白豆蔻今附

地笋新補

海帶新定

陀得花今附

翦草元附白藥條下今分條

一十種陳藏器餘

迷迭

故魚網

故繳脚布

江中採出蘆

虱建草

含生草


菟肝草

石芒

蠶網草

問荊

明州艾葉



艾葉味苦微溫無毒主灸百病可作煎止下痢吐血下

部膿瘡婦人漏血利陰氣生肌肉辟風寒使人有子一

名冰臺一名醫草生田野三月三日採暴乾作煎勿令

見風

陶隱居云搗葉以灸有病亦止傷血汁又殺蛇蟲
苦酒煎葉療癰甚良唐本注云別錄云艾生寒熱

熱主下血衄血膿血痢水黃及九散任用臣禹錫等謹

按藥性論云艾葉使能止崩血安胎止腹痛醋煎作煎

治癰止赤白痢及五藏痔瀉血煎葉主吐血實主明目

療一切鬼氣初生取作乾菜食之又除鬼氣炒艾作餽

飢吞三五枚以飯壓之良長服止冷痢又心腹惡氣取

葉搗汁飲又搗末和乾薑末為丸一服三十丸飯壓日

再服治一切冷氣鬼邪毒氣最去惡氣孟詵云艾實與

乾薑為末蜜丸消一切冷氣田野人尤與相當日華子

云止霍亂轉筋治心痛鼻洪并帶下及患痢人後分寒
熱急痛和蠟并訂子燒熏神驗艾實暖無毒壯陽助水
藏腰膝及
暖子宮

圖經曰

艾葉舊不著所出州土但云生田野今處處有
之以複道者為佳云此種灸百病尤勝初春布

地生苗莖類蒿而葉皆白以苗短者為佳三月三日五
月五日採葉暴乾經陳久方可用俗間亦生擣葉取汁
飲止心腹惡氣古方亦用熟艾榻金瘡又中風掣痛不
仁不隨並以乾艾斛許揉團之內瓦甑中並下塞諸孔
獨留一目以痛處著甑目下燒艾一時久知矣又治癰
取乾艾隨多少以浸麴釀酒如常法飲之覺痺即差近
世亦有單服艾者或用蒸木瓜丸之或作湯空腹飲之
甚補虛羸然亦有毒其毒發則熱氣衝上狂躁不能禁
至攻眼有瘡出血
者誠不可妄服也

食療云

乾者并煎者金瘡崩中霍亂止胎漏春初採為乾餅子入生薑煎服止瀉痢三月三日可

採作煎甚治冷若患冷氣取熟艾麴裹作餛飩可大如彈許又治百惡氣取其子和乾薑搗作末蜜丸如梧子大空心三十服以飯三五匙壓之日再服其鬼神速走出頗消一切冷血田野之人與此方相宜也又產後瀉血不止取乾艾葉半兩灸爛老生薑半兩濃煎湯一服便止妙

外臺秘要

治霍亂吐下不止艾一把水三升煮取一升頓服

又方

治諸骨哽生艾蒿數升水酒共一斗煮取四升稍稍飲之良

肘後方

鬼擊之病得之無漸卒著人如刀刺狀背脇腹內疔刺切痛不可抑按或即吐血鼻中出血下

血一名鬼排以熟艾如雞子三枚水五升煎取二升頓服之

又方

治卒心痛白熱艾成熟者一升以水三升煮取一升去滓頓服若為客氣所中者當吐蟲物

又方

治傷寒及時氣溫病頭痛壯熱脈盛乾艾葉三升以水一斗煮取一升去滓頓服取汁

又方

治病人齒無色舌上白或喜睡不知痛痒處或下痢急治下部不曉此者但攻其上不以為意下部

生蟲食其肚爛見五藏便死燒艾於管中熏下部令煙入更入少雄黃良

葛氏方

治蛇蟲或心如刺口吐清水搗生艾取汁宿勿食但取肥香脯一方寸片先喫令蟲聞香然後

即飲一汁
當下蛇

又方

妊娠卒胎動不安或但腰痛或胎轉搶心或下血不止艾葉一雞子大以酒四升煮取二升分為二服良

經驗方

治喉痺青艾和莖葉一握用醋搗傳痺上若冬月取乾艾亦得李亞傳

又方

王峽州傳野雞痔病方用槐柳湯洗便以艾灸其上七壯以知為度王及郎中充西川安撫判官乘

騾入洛谷數日而痔病因是大作如胡荽貫於腸頭其熱如塘煨火至一驛僵仆無計有主郵者云須灸即差

及命所使為槐柳湯熱洗荽上因用艾灸三五壯忽覺一道熱氣盛入腸中因大轉瀉鮮血穢物一時出至楚

痛瀉後遂失

胡荽所在

孫真人

糞後有血濃煎艾葉生薑汁三合服

斗門方

治火眼用艾燒令煙起以碗蓋之候煙上碗成煤取下用溫水調化洗火眼即差更入黃連甚妙

又方

治癰瘤用艾於陰囊下穀道正門當中間隨年歲灸之

勝金方

治中風口喎以葦筒子長五寸一頭刺於耳內四面以麝香密封塞不透風一頭以艾灸之七壯

患右灸左患左
右耳痛亦灸得

初虞世

治婦人崩中連日不止熟艾雞子大阿膠炒為末半兩乾薑一錢剉右以水五盞先煮艾薑至

二錢半入膠消揚溫分
三服空腹服一日盡

兵部手集

治發背頭未成瘡及諸熱腫以濕紙搨上先乾處是熱氣衝上欲作瘡子便灸之如先疼

痛灸即不痛
即以扇為度

錢相公篋中方

治誤吞錢取艾蒿一把細剉用水五升煎取一升頓服便下

傷寒類要

治婦人妊娠七月若傷寒壯熱赤斑變為黑斑溺血用艾葉如雞子大酒三升煮取一升

半分為
二服

又方

蠶蟲蝕下部以泥作甕以竹筒如指大一頭坐甕缸中一頭內下部孔中以雞子大艾一團燒之以

泥作甕口次之常令艾煙熏下部強人可益久良

子母秘錄

胎動上迫心痛取艾葉如雞子大以頭醋四升煎取二升分溫服

又方

治倒產子死腹中艾葉半斤酒四升煮取一升服

又方

小兒黃爛瘡燒艾葉灰傳上

荆楚歲時記

端午四民踏百草採艾以為人懸之戶上除毒氣又宗士炳之孫常以端午日雞未鳴時

採似人者縛用灸有驗

衍義曰

艾葉乾搗篩去青滓取白入石硫黃為硫黃艾灸家用得米粉少許可搗為末入服食藥入硫黃奇效

蜀州惡實



惡實味辛平主明目補中除風傷根莖療傷寒寒熱汗

出中風面腫消渴熱中逐水久服輕身耐老生魯山平

澤

陶隱居云方藥不復用唐本注云魯山在鄧州東北其草葉大如芋子殼似栗狀實細長如茺蔚子根主

牙齒疼痛勞瘡脚緩弱風毒癰疽欬嗽傷肺肺壅疝瘕積血主諸風癰瘕冷氣吞一杖出癰疽頭別錄名牛蒡

一名鼠黏草今按陳藏器本草云惡實根蒸暴乾不爾令人欲吐浸酒去風又主惡瘡子名鼠黏上有芒能緩

鼠味苦主風毒腫諸癰根可作茹食之葉亦搗傅杖瘡不膿辟風臣禹錫等謹按藥性論云牛蒡亦可單用味

甘無毒能主面目煩悶四肢不健通十二經脈洗五藏惡氣可常作菜食之令人身輕子研末投酒中浸三日

每日服三二盞任性飲多少除諸風去丹石毒主明目利腰脚又食前吞二枚熱接下散諸結節筋骨煩熱毒